

TRIDUM BA DON BOSCO

Estrea 2025 ho titulu: Tau áncora iha esperansa peregrina sira ho foin-sa'e sira. Iha tridum don Bosconian ne'e ita sei refleto deit iha puntos tolu ba tridum-nian.

Loron dahuluk: Esperansa iha moris lor-loron

G. Esperansa mak kbiit iha lor-loron ne'eb'e mak esije sasin. San Tommaso D'Aquino hakerek: «Spes introduct ad caritatem»esperansa prepara no pronto halo karidade ba ita-nia moris,ita-nia umanidade. Karidade ida mak justisa, no asaun sosial. Esperansa presiza fó sasin

Ita iha fuan misionaria nian, tanba misaun la'os atu halo buat barabarak, liuliu mak sasin ba ida ne'ebé esperiensa no haktuir. Sasin mak ida ne'ebé lori memoria, husu pergunta sira ba ema ita hasoru, no lori novidade.

Sasin esperansa nian reker comunidade ida, mak servizu ema hotu nian no hadaet, hadaet ita-nia umanidade, tanba sasin mak relasaun ho Na'i.

Esperansa iha sasin misaun nian mak atu hari husi jersaun ba jersaun, entre adulto sira no foin-sa'e sira: ida ne'e mak dalan ba futuro. Iha ita-nia kultura kosumismu han futuro, ideolojia konsumu nian hamate hotu "iha ne'e no ohin", "buat hotu lais". Maibé futuro labele konsumu, labele husik ema seluk foti ó-nian, ó mós labele foti ema seluk nian.

Iha konstrusaun futuro-nian esperansa mak kapasidade atu promete no mantein promesa sira ne'ebé kmoock maske ne'e lahetan iha ita-nia mundu. Atu promete mak atu espera,tau iha movimentu, tan ne'e dehan esperansa mak dalan, mak enejia no dalan ne'e rasi

Kanto: SÃO JOÃO BOSCO AMU LULIK DOBEN (HBN:420)

Ant: Se imi la haraik-an hanesan labarik ida, imi sei la tama iha Maromak nia reinu.

SALMO 131

O Nai, hau nia laran la foti-an
No hau matan la halo arogancia
Hau la halai tuir buat sira be boot liu
No buat be kmanek liu hau

Tebes, hau hatur ona hau klamar
Iha silincio no dame
Nudar labarik ida hakmatek iha nia Inan nia liman
Nune'e mosh au klamar

O Israel, tau esperansa iha Nai
Ohin no ba nafatin
Gloria...

Ant: Se imi la haraik-an hanesan labarik ida, imi sei la tama iha Maromak nia reinu.

Leitura: Mateus: 6, 25-34

“Tan ne'e Ha'u dehan ba imi: keta hanoin resin kona ba imi nia moris, atu han ka hemu sa ida; ka ba imi nia isin lolon, atu hatais sa ida. Moris la folin liu fali hahan no isin lolon liu fali hatais? Hare manu sira iha lalehan ba: sira la kuda, la silu batar ka halot iha hoka; no imi nia Aman iha lalehan fo han sira. Imi la folin barak liu fali sira? Imi ida nebe mak hodi hanoin barak, bele hanaruk nia isin sasukat ida tan?

“Tan sa imi hanoin resin kona ba hatais? Hare ba aifunan liri sira nebe moris iha rai. Sira la serbisu, mos la souru tais. Maibe, Ha'u dehan ba imi katak Salomao mos iha nia kmanek wa'in tomak la hatais hanesan sira ne'e ida. Ne'e duni, Maromak fo hatais karik hanesan ne'e ba du'ut rai ninian nebe ohin iha no aban ema sei soe ba ahi, Nia sei la fo hatais liu tan ba imi, ema nebe fiar kiik?”

“Ne'e duni, keta laran taridu ba hodi dehan: ‘Ita sei han ka hemu, ka hatais los sa ida? ³²Gentiu sira buka buat sira ne'e hotu. Maibe imi nia Aman lalehan hatene katak imi kuran sira ne'e. Ne'e duni, buka uluk knanain Maromak nia reinu ho nia justisa; buat hirak ne'e sei fo tan ba imi. Ne'e duni keta hanoin resin kona ba loron aban, basa loron aban sei hanoin nia susar rasik. Ba loron ida, to'o ona nia todan.

Silencio.....

Kanto: Bibi atan diak hbn-HBN-S 53

G. Motiva ho esperansa ...ida-ne'e mak konvite ne'ebé Reitor-Mor lansa mai ita iha tempu inserteza no susar nian ida-ne'e iha ne'ebé ita husu atu hadook an, hodi evita enkontru sira no oportunidade sira ba rekreaun. Maibé saida mak esperansa? Esperansa mak nabilan ne'ebé fó naroman ba sarani ida-idak nia dalan. Maski bainhira nakukun sai nakukun liu no parese atu domina, naroman ne'e sempre iha, karik ladún vizivel, maibé iha. Naroman ne'e mak ita nia fiar, ne'e maka Maromak. Sim, tanba esperansa mak Jezús, hanesan Papa Francisco dehan. Jezús la abandona ita, Jezús mak hatene ba ne'ebé nia lori ita, Jezús ne'e mak halo buat hotu sai foun, mezmú nakukun liu, mezmú imposivel liu no mezmú impensavel liu

Don Bosco nia moris nakonu ho esperansa. Nia, ne'ebé sempre hatene hateke liu sasán sira, nia ne'ebé iha momentu susar sira sempre fila nia matan ba lalehan, nia ne'ebé nunka para atu fó an tanba Lalehan hein hela nia. "Hanoin katak Lalehan sei sai ó nia rekompensa", "Halo buat ne'ebé ó bele no fiar iha Maromak nia mizerikórdia ne'ebé rohan-laek" maka fraze balu de'it ne'ebé nakonu ho esperansa ne'ebé Don Bosco repete ba nia oan-mane sira no ho ne'ebé nia konvida sira atu iha esperansa, atu konfia sira-nia an ba Maromak nia mizerikórdia, atu la husik sira-nia an sai laran-tun tanba serbisu maka'as iha rai. No iha ha'u nia moris ha'u hanoin fali mane ida ne'ebé, iha momentu kolen sira akampamentu eskolár nian ka akampamentu bailoron nian, ho ksolok repete mai ami "Mai ema sira, ita sei deskansa iha Lalehan". Sim, tanba "Lalehan hadi'a buat hotu", tanba Lalehan hateten mai ita katak vale atu luta, vale atu moris no vale mós atu serbisu maka'as tanba Na'i lori ita ba ne'ebá no ho nia ita labele ta'uk. Maski prezente ida ne'ebé kole bele moris no simu se ida-ne'e lori ba destinu ida ne'ebé seguru. Ita sei la salva ita-nia an mesak, ita sei la sai husi pandemia ida-ne'e mesak. Vasina sira sei la to'o se ita la halo ita-nia an sai raiu esperansa nian ne'ebé bele reflète Maromak nia roman ba mundu.

G. Nai Feto Maria Auxiliadora presente nafatin iha ita nia moris lor-loron nian, nudar tulun Nain iha Don Bosco nia moris. "Nia mak halo buat hotu" Ida ne'e mak Don Bosco nia liafuan sira wainhira ema ruma husu kona ba ninia misaun ho foin-sae sira. Hamutuk ho Don Bosco mai ita entrega ba Maromak buat furak hotu Nia halao liu husi Don Bosco no ho laran metin iha harohan ba Aman Maromak liu husi Nai Feto nia harohan daet hodi hananu "MAGNIFICAT"

Kanto: Magnificat: HBN - 363

Orasaun ba Don Bosco

Aman no Mestre foin-sa'e sira nian, Saun João Bosco, dósil ba Espiritu nia don sira no nakloke ba realidade ita-nia tempu nian ba foin-sa'e sira, liuliu sira ne'ebé ki'ik no kiak, ita sai tiha sinál domin no predileasaun Maromak nian.

Sai ami-nia mata dalan bá, iha dalan amizade nian ho Na'i Jezús, atu ami bele deskobre iha Nia no iha ninia Evanjellu ami-nia moris nia sentidu no bee-matan ba ksolok loos.

Tulun ami atu hatán ho laran luak ba vokasaun ne'ebé ami simu ona husi Maromak, no kolabora ho entuziazmu, iha komuñaun ho Kreda tomak, ba sivilizasaun domin nia hariin.

Harohan bá atu ami hetan grasa perseveransa nian hodi moris sasukat aas vida sarani nian, tuir espirito rahun-di'ak nian; no halo atu, hodi Maria Auxiliadora nia gia, ami bele loron ida hamutuk ho ita iha família boot lalehan nian. Amen

Ami Aman

Ave Maria

Gloria

São João Bosco...harohan mai ami

Kantu: Iha mundu oras ne'e (HBN-409)

Loron daruak: Esperansa mak arte pasiensia nian

Iha vida, prezenti ida-ida, sasan ida-ida atu buras presiza tempu. Nune'e mós Maromak-Nia don sira, reker tempu atu sai tasak. Tan ne'e iha ita-nia tempu, buat hotu lais liu, iha ita-nia "konsumu" tempu no moris husu ita atu fó i'is no biit ba virtude pasiensia nian: tanba esperansa, defaktu, intimamente iha ligasaun. Esperansa persiza iha kapasidade hodi hatene hein, hein atu buras, atu dehan katak "virtude ida dada virtude seluk"!

Atu esperansa sai realiade, hatudu iha sentidu hotu, presiza pasiensia. Laiha buat ida ne'ebé hamosu milagre, tanba buat hotu moris iha lei tempu nia okos. Tan esperansa sai realidade, sei hatudu iha sentidu loos nian, presiza pasiensia.

Pasiensia mak arte to'os nain nian ne'ebé kari no hatene hein fini ne'ebé nia kari buras no fó fuan.

Esperansa hahu husi ita atu hein, no eserse hodi hein ho konxiente iha ita-nia umanidade. Hein mak dimensaun ida importante liu iha esperiensa umana nian. Ema hatene simu, ema sempre iha dimensaun ida hein nian, tan nia kriatura ne'ebé moris iha tempu ho modu konxiente.

Hein umana mak sasukat ida loos tempu nian, sasukat ida ho numero la'os kronologika.

Ita hatoman an atu kalkula wainhira hein, hodi dehan ami hein oras ida ona, komboio to'o tarde liu 5 minutu, internet halo ita hein 14 segundo molok hatan ita-nia clic, maibé waihira ita sukat hanesan ne'e ita susar atu hein, nein halo buat ida, fenomenu ida kotu tiha husi ita rasik no no ba buat ne'ebé ita hein. Hein ne'e rasik karik buat ruma iha nia an rasik, iha an rasik laiha relasaun. Invesde, ita hein to'o puntu ida aat liu mak relasaun, mak dimensaun ida misteriu relasaun nian.

SO deit ida ne'ebé iha esperansa, iha pasiensia. So deit ida ne'ebé iha esperansa iha kapasidade atu "suporta," hodi sustenta husi baze" situasaun oi-oin ne'ebé ezistensa prezenta. Ida ne'ebé simu, espera, no bele suporta hotu, tan kolen iha nia sentidu hein nian, iha tensaun hein nian, enerjia domin hein nian. Ita hatene katak hanoin fila fali ba pasiensia no ba hein dala ruma esperiensa kolen, servizu, terus no mate nian. Loos duni, kolen, terus, no mate iha maskra deluzaun atu bele hetan tempu, sentidu tempu nian, valor ita-nia moris nian. Hirak ne'e esperiensa negativa sira, maibé mós pozitivu sira, tanba kolen, terus no mate bele sai okazaun sira atu hetan fila fali sentidu loos tempu moris nian.

Nune'e dala ida tan, fó rajaun esperansa nian mak iha ita, sai anúnsiu "liafoun di'ak Jezús-Nia Evanjellu (Rm, 5,3-5).

Kanto: MATENEK FO BA NIA (HBN - 413)

Ant: O Nai, iha ita roman, ami hare naroman

Salmo: 37

Fiar metin ba Nai no halo diak ba
O sei hela iha rai no sei moris hakmatek
Buka ita ksolok iha Nai
No Nia sei hatan ba ita fuan nia hakarak

Saran ba Nai ita nia destinu
Laran metin ba Nia, no Nia sei tulun o
Nia sei halo nabilanita justiça hanesan roman
No o direitu sira sei hanesan loron iha meudia

Fiar ba Nai, tau o nia esperansa iha Nai
Keta laran moras ba sira nebe sai riku
No sira be moris ho intriga sira

Halai husi laran hirus no hadook an husi odio
Keta lakon pasiencia, basa ne'e lori ba aat
Tamba ema aat sira sei mohu
Maibe sira be hein Nai sei hetan rai
Gloria ba Padre....

Leitura: Roma 8: 24-26

Ha'u hare terus ohin ne'e nian nudar kiik liu wainhira tau hamutuk ho gloria nebe atu sei hatudu mai ita. Basa mundu tomak hein mana-manas tempu wainhira sei hatudu Maromak nia oan sira, basa mundu tomak sai tiha folin laek, la'os tan nia rasik hakarak, maibe tamba Ida nebe halo nia sai nune'e nia hakarak iha esperansa; basa mundu ne'e sei sai housi situasaun atan nian nebe sei dodok, hodi halo parte, nudar Maromak nia oan, iha ema nebe la'os atan nia kmanek. Ita hatene katak ohin ne'e mos mundu tomak hakilar tanis hanesan feto nebe atu tur ahi; no la'os mundu deit; maibe ita mos tanis hakilar iha ita nia laran wainhira ita, nebe iha ona espiritu nia fuan uluk nian, hein dau-daun tempu nebe Maromak sei hakiak ita, katak tempu nebe ita nia isin sei sai la'os atan ona. Basa iha esperansa mak ita hetan maksoin. Esperansa nebe hare ho matan rasik la'os esperansa. Se mak iha esperansa ba buat nebe nia hare ona? Maibe ita iha esperansa kona ba buat nebe ita la hare karik, ita hein ho pasiensia.

Nune'e mos, Espiritu tulun ita nebe kbiit laek, basa ita la hatene harohan lo-los, maibe Espiritu rasik harohan hodi tanis hakilar maka'as hanesan liafuan la bele hato'o. No Ida nebe hatene mo-mos ema nia fuan hatene buat nebe iha Espiritu nia laran, basa Espiritu harohan ba ema santu sira tuir Maromak nia hakarak.

Silencio.....

Kanto: Laran metin ba Nai, halo buat nebe los (HBN- S 45)

Don Bosco: ema ne'ebé halo ho esperansa

Biógrafu (MB I,201) nota katak, sei labarik, Don Bosco halo ema hakfodak ho “nia esperansa hasoru esperansa umana tomak”: ezemplu klaru kona-ba ida-ne'e mak ninia aspirasaun “imposivel” ba amlulik. No kona-ba Don Bosco ne'ebé maduru hakerek katak “nia moris hanesan nia haree buat invizível”. Mane uitoan de'it mak sai - hanesan Don Bosco - oan ba sira-nia mehi rasik no sira-nia esperansa rasik. Esperansa ida ne'ebé haburas oin ba oin ho mate, maibé liuliu ho moris-hi'as. Espresa ho attitude karakterístika balu (kf. MB II, 155-157). - konfiansa boot iha paternidade Maromak nian, ba ne'ebé lalehan mak “uma Aman nian”. Se derrepente de'it ema ruma husu ba nia: “Don Bosco, ó bá ne'ebé?”. Nia sei hatán: “Ita atu bá Lalehan”; - bainhira paternidade Maromak nian hasoru ema nia fragilidade, nia sai mizerikórdia: anunsia, experimenta, fó iha sakramentu Peniténsia nian: «ba nia esperansa, mizerikórdia no konfisaun sai sinónimu»; - Esperansa ida-ne'e fó konfiansa boot ba nia iha nia salvasaun no ba nia oan-mane sira: "Se ema ruma husu ba nia: no ha'u sei hetan salvasaun? Nia sei hatán: ha'u hakarak haree ó bá infernu. Halo buat ne'ebé ó bele no fiar iha mizerikórdia Maromak nian, ne'ebé laiha rohan. Saun Francisco de Sales sujere: “Ita tenke mate entre almofada rua: ida, ida konfisaun haraik-an nian katak ita merese de'it infernu; ida seluk, konfiansa kompletu no perfeita iha Maromak nia mizerikórdia, ne'ebé sei haraik mai ita Paraízu”. Nune'e Don Bosco sai ema ne'ebé eduka ho esperansa no, ho kontájiu, kuaze la realiza, hanorin no habelar pedagogia ida esperansa nian. Nia la haree de'it iha foin-sa'e sira esperansa Kreda no mundu nian, maibé, sente katak sira dada iis esperansa nian, nia fó ba sira iha abundánsia. Nia fiar iha sira nia kapasidade ba kreximentu no iha possibilidade ne'ebé edukadór di'ak hotu-hotu iha atu deskobre homo absconditus , ne'ebé hateke borus moris adolexénsia nian. Nia aposta iha abilidade foin-sa'e sira nian atu fó esperansa ba foin-sa'e sira, no transforma sira sai misionáriu ba malu no fundadór ba buat sira ne'ebé boot liu sira-nia an rasik (hahú husi ninia kongregasaun). Nia halai ba sira ne'ebé “la iha esperansa” - tanba nia nakonu ho konfiansa iha sira-nia kapasidade atu rekupera - no nia aposta iha afinidade íntima ne'ebé eziste entre foin-sa'e sira no valór evanjéliku sira. João Paulo II subliña didi'ak ida-ne'e bainhira – iha ninia diskursu iha Chieri iha tinan 1988 – nota katak “la presiza duni atu haluha Evanjellu, atu sai joven, no mós la hamate foin-sa'e atu sai sarani”. Esperansa maka halo ida uluk moris no mantein ida daruak moris.

G. Iha Don Bosco nia moris tomak , Nain Feto akompaña nafatin iha ninia misaun. Nia sai nudar Inan no mestra ba ita nia fundador sira no mos ba ita hotu. Mai ita hamutuk ho ita Nai Feto Maria, hodi hahi no hanai ba kmanek oi-oin nebe ita simu hodi hananu MAGNIFICAT

Kanto: Magnificat: A minha Alma canta Jubilosa

Orasaun ba Don Bosco

Aman no Mestre foin-sa'e sira nian, Saun João Bosco, dósil ba Espiritu nia don sira no nakloke ba realidade ita-nia tempu nian ba foin-sa'e sira, liuliu sira ne'ebé ki'ik no kiak, ita sai tiha sinál domin no predileasaun Maromak nian.

Sai ami-nia mata dalan bá, iha dalan amizade nian ho Na'i Jezús, atu ami bele deskobre iha Nia no iha ninia Evanjellu ami-nia moris nia sentidu no bee-matan ba ksolok loos.

Tulun ami atu hatán ho laran luak ba vokasaun ne'ebé ami simu ona husi Maromak, no kolabora ho entuziazmu, iha komuñaun ho Kreda tomak, ba sivilizasaun domin nia hariin.

Harohan bá atu ami hetan grasa perseveransa nian hodi moris sasukat aas vida sarani nian, tuir espírito rahun-di'ak nian; no halo atu, hodi Maria Auxiliadora nia gia, ami bele loron ida hamutuk ho ita iha família boot lalehan nian. Amen

Ami Aman

Ave Maria

Gloria

São João Bosco...harohan mai ami

Kanto: PADRE, MESTRE NO AMIGO (HBN-417)

Loron datolu: Esperansa mak ksolok loos nian

Ksolok, mak karateristika salesiana-nian. Esperasa sira loos nian. Esperansa ida loos nian naklekar iha ksolok. Espiritu salesianu asume ksolok esperansa nian ne'ebé di'ak no ninian duni. to'o biolojia mós sujere ba ita ezemplu ruma. Juventude mak esperansa umana (nune'e sujere analojia ida ho misteriu esperansa kriataun nian), mak moris ho ksolok. No ita hare don Bosco traduz esperansa iha klima ida ksolok nian ba foin-sa'e sira atu salva. Domingos Savio, sai boot iha nia eskola dehan: Ami hamosu santidade iha ami-nia moris hamutuk ho ksolok nafatin". Ksolok ida ne'ebé ba oin, iha definitiva, husi profunda fiar no esperansa nian.

Ne'e buat ki'ik ida atu halo. Se ita triste katak ita superfisial.

Ksolok iha espíritu salesianu, mak klima ida lorloron-nian, mai husi fé ne'ebé espera, no fó esperansa ba ida ne'ebé fiar, katak husi dinamizmu ida Espiritu Santu-nian ne'ebé ita haklaken vitoria ne'ebé manan mundu!... Ksolok ne'ebé labele husik, nune'e mak sai sasin ho autentika ne'ebé ita fiar no ita espera. Espiritu salezianu uluk knanain no liuliu labele kuran no la'os atu observa mortifikasaun sira de'it. Esperansa mós sei gia ita atu halo mortifikasaun sira, maibé hirak ne'e hanesan ema trenu nafatin no la'os atu taka metin iha prijaun! Maibé esperansa ho ksolok boot.

Kanto: SALVE DON BOSCO SANTO (HBN: 418)

Ant: *Hau nia Maromak hau klamar buka Ita Boot kalan loron*

Salmo: 62: Maromak, esperansa ida mesak

Hau klamar deskansa deit iha Maromak

Iha Nia mak hau hetan salvasaun

Nia mesak mak hau refujiu no maksoin

Hau Fortaleza:hau nunka sei nakdoko

Hau maksoin no hau Gloria iha Maromak

Nia mak hau roxa atu haksumik seguru

Fiar iha nia, povu sira, iha tempu tomak

Loke luan imi fuan ba Nia.

Maromak mak ita nia refujiu.

Keta fiardeit iha violencia

Eh laran metin iha sasan imi naok

Imi riku soin sira aumenta karik
Keta saran imi fuan ba sira

Liu dala ida hau rona liafuan nebe Maromak dehan
“ Kbiit pertense ba Nai”
Laran diak pertense ba Ita, Nai
Ba ita selu ema tuir nia hahalok sira

Gloria ba Padre....

Ant: Hau nia Maromak hau klamar buka Ita Boot kalan loron

Leitura: Jo 15:11-18

“Ha’u dehan sai lia hirak ne’e ba imi atu Ha’u nia ksolok hela iha imi no imi nia ksolok sai lo-los. Ha’u nia ukun fuan mak ida ne’e: imi hadomi malu nudar Ha’u hadomi tiha imi. Ema ida la bele hadomi liu fali ema nebe saran nia moris tan nia belun sira. Imi Ha’u nia belun sira wainhira imi halo tuir buat nebe Ha’u haruka ba imi. Ha’u la bolu ona imi atan, basa atan la hatene nia na’in halo sa; maibe Ha’u bolu imi belun, tan Ha’u fo hatene ona ba imi lia hotu nebe Ha’u rona housi Aman. La’os imi mak fihir Ha’u, maibe Ha’u mak fihir imi, hodi haruka imi ba atu ba fo fuan, no imi nia fuan hela ba nafatin, nune’e buat hotu nebe imi husu ba Aman hodi Ha’u naran, Nia sei haraik ba imi. Ha’u haruka imi: hadomi malu.”

Silencio....

Kanto: O MANHA, O SOL DA ESPERANÇA (HBN - 46)

Saun João Bosco (1815-?) fiar katak ksolok no esperansa esensiál ba mensajen sarani no edukasaun mak dalan ida atu tulun ema hetan Maromak. Nia harii eskola no instituisaun sira seluk atu ajuda joven sira husi família ne’ebé ladún di’ak, no nia buka atu moris ho ksolok.

Edukasaun

- Don Bosco fiar katak edukasaun mak dalan ida atu tulun ema hetan Maromak.
- Nia harii eskola sira ne’ebé tuir ninia filozofia edukasionál ne’ebé inovadora bazeia ba ksolok no esperansa sarani.
- Nia hakarak labarik sira atu haksolok no haksolok iha Na’i.
Ajuda joven sira
- Don Bosco tulun foin-sa’e sira husi background desfavoresidu liu husi atividade rekreaun, edukasaun, no katekeze.
- Nia fornese ba sira ferramenta intelektuál no espirituál sira atu ultrapasa obstákulu sira no hadi’a sira nia moris.
- Nia hakarak tulun labarik sira atu sai “hanesan labarik ki’ik sira” (Mat. 18:1-4).
Moris ho ksolok
- Don Bosco ho nia belun sira buka atu moris iha ksolok, ho laran-metin ba sira-nia knaar estudu nian no fiar nian.
- Nia fiar katak ema ne’ebé haksolok liu ema hotu-hotu mak santu sira.
- Nia fiar katak santidade maka ksolok loloos

G. Ba Don Bosco, Devosaun ba Maria Auxiliadora signifika saran-an, banati tuir, no paixaan apostolika no edukativa, “habelar” espresa kompromisu atu sai “naroman mundu nian”, koopera ho Kristu nia misaun bae ma sira liu-liu ba Jovem sira nia Salvasaun ho Maria nudar guia no Eukaristia, nudar bee matan no pontu kulminante vida sarani tomak nian. Ita entrega ba ita Nai feto ita nia misaun hotu hodi hananu

Kanto: Magnificat (HBN-S 48)

Orasaun ba Don Bosco

Aman no Mestre foin-sa'e sira nian, Saun João Bosco, dósil ba Espiritu nia don sira no nakloke ba realidade ita-nia tempu nian ba foin-sa'e sira, liuliu sira ne'ebé ki'ik no kiak, ita sai tiha sinál domin no predilesaun Maromak nian.

Sai ami-nia mata dalan bá, iha dalan amizade nian ho Na'i Jezús, atu ami bele deskobre iha Nia no iha ninia Evanjellu ami-nia moris nia sentidu no bee-matan ba ksolok loos.

Tulun ami atu hatán ho laran luak ba vokasaun ne'ebé ami simu ona husi Maromak, no kolabora ho entuziazmu, iha komuñau ho Kreda tomak, ba sivilizasaun domin nia hariin.

Harohan bá atu ami hetan grasa perseveransa nian hodi moris sasukat aas vida sarani nian, tuir espirito rahun-di'ak nian; no halo atu, hodi Maria Auxiliadora nia gia, ami bele loron ida hamutuk ho ita iha família boot lalehan nian. Amen

Ami Aman...

Ave Maria...

Gloria...

São João Bosco...harohan mai ami

Kanto: VIVA DON BOSCO (HBN – 421)